



KERATAN AKHBAR

SURAT KHABAR	:	HARIAN METRO			
TARIKH	:	26/2/2019	MUKA SURAT	:	8
JABATAN	:	JPS			
KLASIFIKASI	:	PERHATIAN			

Maya Karin jumpa perabot dalam sungai

Kuala Lumpur: "Saya sedih, marah dan kecewa dengan sikap segelintir masyarakat yang menjadikan sungai sebagai tempat membuang sampah secara berleluasa.

"Saya sangat terkejut ketika terjumpa perabot terpakai seperti sofa dan bumper kereta yang dibuang ke dalam sungai," kata pelakon popular dan pencinta alam sekitar, Maya Karin, 39, ketika mengulas mengenai aktivitinya membersihkan Sungai Batu di Kuala Lumpur bersama sukarelawan, baru-baru ini.

Dia juga baru dilantik sebagai duta River Of Life sempena projek Kementerian Wilayah Persekutuan selama setahun sejak Januari lalu.

Menurut Maya, dia dan sukarelawan juga berjaya mengutip 226 kilogram sampah dan sisa buangan dari sungai terbabit.

"Paling banyak ditemui ialah botol minuman dan lampin pakai buang yang dibuang ke dalam sungai. Terus terang, saya kecewa melihat apa yang berlaku.

"Ternyata tahap kesedaran masyarakat mengenai kepentingan menjaga sungai sangat



MAYA menunjukkan sofa yang dijumpai ketika membersihkan Sungai Batu, Kuala Lumpur.

kurang dalam kalangan masyarakat kita," katanya kepada Harian Metro.

Mengulas cabaran #MayaKarinChallenge pula, kata Maya, dia sangat gembira dengan sambutan memberangsangkan

daripada pengikutnya di laman Instagram.

"Setakat ini, saya menerima lebih 3,000 penyertaan daripada pengikut yang meniru gaya berendam di sungai sejak sebulan lalu," katanya.